

E dia a yega...

Ex minister Paul Croes a ingresa KIA pa sinta su castigo pa actonan di corrupcion




ORANJESTAD (AAN): Manera DIARIO a trece dilanti caba, hues a dicidi cu Paul Croes mester bay sinta su castigo den KIA den loke ta e asina famoso caso IBIS.

A pasa algun dia y no a tende nada mas riba con e proceso aki ta bay pa asina Croes, ex minister durante e gobernacion di e Gabinete Mike Eman, drenta den e instituto coreccional y sinta su castigo relaciona cu locual el a wordo acusa di a comete.

Den e caso aki, ta asina cu Corte Supremo na Hulanda a dicta sentencia den e apelacion di Paul Croes contra e sentencia di Corte Superior. Corte Supremo a rechaza e motibonan di apelacion di Paul Croes y a dicidi cu ta mantene e sentencia di Corte Superior.

Por corda cu e tres Huesnan (Hof) di Corte Superior ta haya ex minister Paul Croes culpabel cu entre e periodo di October 2013 y Maart 2017 a haci corrupcion



door di laga su mes wordo cumpra pa facilita permiso di traha. Hof ta muestra cu e cumplimiento tabata sosode via di e fundacion "Stichting Leadership and Excellence".

Hof a condena Paul Croes na 3 aña di prison, kitando e tempo cu e tabata sera den KIA. Tambe cu Paul Croes ta wordo kita como empleado di Gobierno y cu pa un periodo di 8 aña e no por postula pa eleccion.

Paul Croes a apela e sentencia aki y Corte Supremo (6 Hues) a evalua e kehonan di parti di e abogado di Paul Croes contra e sentencia di

Corte Superior. E Abogado General den Corte Supremo a rechaza e kehonan y a pidi Corte Supremo pa mantene e sentencia di Corte Superior.

Diamars 7 di februari, Corte Supremo di Hulanda a duna di conoce su decision. Corte Supremo a rechaza e apelacion di Paul Croes y ta mantene e sentencia. Esey ta nifica cu Paul Croes ta keda condena na 3 aña di prison, kitando e tempo cu e tabata sera den KIA. E ta wordo kita como empleado di Gobierno


y pa un periodo di 8 aña, e no por postula pa eleccion.

E decision di Corte Supremo ta nifica cu Paul Croes mester bay sera den KIA. Ministerio Publico a pone pa e presenta KIA dia 21 di Februari. E dia a yega y diamars ultimo, dos siman despues di su sentencia, Croes a ingresa KIA pa sinta su castigo, descontando e tempo cu el a pasa caba den limitacion.

Paul Croes su declaracion na prensa diamars mainta dilanti di KIA tabata cu e lo carga su responsabilidad cu un mente y un curason tranquil.

A bisa cu e tempo aki e lo enfoca riba cosnan positivo, ademas di yuda esnan cu ta cay cera y yuda den duna les na esnan cu ta desea.

Greta a gana 10 mil cu e wega nobo di InstaCash



ORANJESTAD (AAN): E luna aki Lotto a introduci nan wega nobo di 'InstaCash', unda bo ta escoge cual di e 3 tipo di InstaCash bo kier, sea esun di 5X cu bo por gana te cu 3.000 Florin, of esun di 10X cu bo por gana te 5.000 Florin, of esun di 20X cu bo por gana te 10.000 Florin.

Recientemente Greta a purba su suerte cu e wega di 20X InstaCash, y a gana tambe! E multiplicador a yude gana 10.000 Florin.

Como cu ta un suma grandi, el a wordo pidi pa bay busca su premio na Oficina di Lotto na Playa. Aki nan a revisa e ticket y a check si el a pone su firma patras

y e numbernan di cuenta di banco. E computer a confirma cu Greta a gana 10.000 Florin, y mesora a start e proceso pa transferi e premio electronicamente pa su cuenta di banco.

Greta a cumpra su InstaCash aki na Jr-1 Lottery na San Nicolas.

AANKONDIGING Land Aruba

Op 11 en 24 januari 2023 heb ik, Rigenald R. Williams en Shajaira A. T. Lacle, belastingdeurwaarder, kantoorhoudende te Aruba aan de Camacuri # 2 honderdentachtig (180) dwangschriften betekend aan – Roberto Surmay Herrera(103), Luz Rivera(1), Ninoska Unen Aybar Fabian(2), Josue Acero Zavaleta(3), Barry Morris(3), Erik Podirono(2), Nely Cosmiano Maguiwe(1), Ellsworth Warren(1), Sarah Fong Putnam(1), Leonard Holstin(3), Martijn van Mierlo(6), Mario de Cuba(6), Gisele Young(6), Cristian Guzman Garcia(15), Jerome Marder(10), Ibrahim Castro Camacaro(11), Mahinder Moenga(6) -, voorheen wonende te Aruba thans zonder bekende woon- en verblijfplaats binnen en buiten Aruba, en op last van de daarin genoemde Ontvanger der belastingen die tot het einde van de executie domicilie kiest aan zijn kantoor te Aruba, Camacuri # 2, aan die genoemde belastingsschuldige bevel gedaan om binnen TWEE DAGEN het bedrag dat thans invorderbaar is met de kosten van betekening en de verschuldigde rente te voldoen, met aanzegging dat, bij gebreke van betaling, zal worden overgegaan tot inbeslagname en verkoop van zijn roerende en/of onroerende zaken of door middel van beslag op zijn vorderingen op derden zulks tot verhaal van het op de datum van inbeslagname invorderbare bedrag en kosten. Aangezien de woon- en/of verblijfplaats van de belastingsschuldige voornoemd onbekend zijn, heb ik, belastingdeurwaarder, van de dwangschriften met bijbehorende aktes van betekening, afschrift gelaten aan de directeur van de Directie Wetgeving en Juridische Zaken, Schotlandstraat 53, Oranjestad.

De belastingdeurwaarder voornoemd

 Departamento di Impuesto